



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Broj:
Sarajevo, __.__.2020. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na 38. sjednici održanoj __ godine, usvojilo je

Izvještaj o provođenju Odluke o utvrđivanju i načinu sufinansiranja sportskih manifestacija od posebnog interesa za Grad Sarajevo u 2019. godini.

PREDSJEDAVAJUĆI GRADSKOG VIJEĆA

Dr. Igor Gavrić

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADONAČELNIK

IZVJEŠTAJ

O PROVOĐENJU ODLUKE O UTVRĐIVANJU I NAČINU SUFINANSIRANJA SPORTSKIH MANIFESTACIJA OD POSEBNOG INTERESA ZA GRAD SARAJEVO U 2019. GODINI

Predlagač: Gradonačelnik

**Obrađivač: Gradska služba za obrazovanje,
kulturu, sport i mlade**

Sarajevo, mart 2020. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



I UVOD

Programom rada Gradskog vijeća Grada Sarajeva za 2020. godinu, predviđeno je razmatranje Izvještaja o provođenju Odluke o utvrđivanju i načinu sufinansiranja sportskih manifestacija od posebnog interesa za Grad Sarajevo u 2019. godini.

II NAČIN FINANSIRANJA MANIFESTACIJA OD POSEBNOG INTERESA ZA GRAD SARAJEVO

Gradsko vijeće Grada Sarajeva donijelo je Odluku o utvrđivanju i načinu sufinansiranja sportskih manifestacija od posebnog interesa za Grad Sarajevo („Službene novine Kantona Sarajevo“, broj 10/19). Istom su utvrđene sljedeće manifestacije od posebnog interesa za Grad Sarajevo:

- Memorijalni karate turnir „Kup oslobođenja – Salih Salko Ćurić“;
- Međunarodni memorijalni košarkaški turnir „Mirza Delibašić“;
- Međunarodni memorijalni turnir u dizanju tegova „Andrija Maleč“;
- Međunarodni memorijalni judo turnir „Vinko Šamarlić“;
- Međunarodni Šestoaprilski turnir u fudbalu U-15 „Josip Katalinski Škija“;
- Međunarodni turnir u ritmičkoj gimnastici „Suada Dilberović“;
- Međunarodni košarkaški turnir „Davorin Popović Dačo“;
- Memorijalni bokserski turnir „Braća Kadić“;
- Međunarodni memorijalni bokserski turnir „Mustafa Hajrulahović Talijan“;
- Međunarodni memorijalni judo turnir „Alija Miladin“;
- Međunarodni karate turnir Karate World Grand Prix „Alija Izetbegović“;
- Međunarodni teniski turnir za juniore-ke do 16 godina „Open RCT Barcelona 1899-Sarajevo“;
- Međunarodni velemajestorski šahovski super turnir „Bosna“ Sarajevo;
- Međunarodni turnir u sjedećoj odbojci „SARAJEVO OPEN“;
- Međunarodno skijaško takmičenje FIS Kup „Djeca za mir u svijetu“;
- Međunarodni turnir u hokeju na ledu „Sarajevo kids“;
- Evropski judo kup Top ranking;
- Međunarodno FIS takmičenje u snowboardu „Europa KUP Sarajevo“;
- Međunarodni plivački miting „Sarajevu s ljubavlju“;
- Međunarodni vaterpolo turnir „Sarajevo Champions Challenge“;
- Šestoaprilski turnir u hrvanju „Kup grada Sarajeva“;
- Međunarodni Šestoaprilski turnir u kuglanju za slijepe i slabovidne osobe;
- Međunarodni Šestoaprilski turnir u streljaštvu;
- Međunarodni Šestoaprilski turnir u košarci;
- Sarajevski polumaraton;
- Međunarodni fudbalski turnir U-17 „Igraj fudbal živi život“;
- Međunarodni skokovi u vodu „Bentbaša“;
- Šestoaprilski turnir u streljaštvu za invalide;
- Međunarodni plivački miting „Mladi za mlade“;
- Sportske igre mladih;
- Međunarodna gradska atletska trka „Viviccita“;
- Sportske igre Oaze

Odlukom o utvrđivanju i načinu sufinansiranja sportskih manifestacija od posebnog interesa za Grad Sarajevo definisani su opći i posebni kriteriji, kao i procedura za finansiranje navedenih manifestacija. Organizatori manifestacija su dužni podnijeti gradonačelniku Grada Sarajeva putem Gradske službe za obrazovanje, kulturu, sport i mlade zahtjev za sufinansiranje manifestacije. Ovaj zahtjev mora sadržavati detaljan i obrazložen program sa svim aktivnostima, planiranu finansijsku konstrukciju programa, kao i

kompletnu dokumentaciju kojom se dokazuje ispunjenje općih i posebnih kriterija, najkasnije do kraja septembra tekuće godine, kako bi se mogla planirati sredstva u Budžetu Grada Sarajeva za narednu godinu. Gradska služba za obrazovanje, kulturu, sport i mlade procjenjuje programe manifestacija sa stanovišta značaja za Grad Sarajevo i na osnovu općih i posebnih kriterija za finansiranje manifestacija, te shodno kvaliteti programa svoje stavove sa obrazloženim prijedlogom visine iznosa sredstava neophodnih za realizaciju dostavlja gradonačelniku Grada Sarajeva na daljnji postupak.

Gradonačelnik grada Sarajeva se obavezuje da sa organizatorima manifestacija zaključi ugovor kojim će se regulisati međusobna prava i obaveze.

Organizatori su dužni po završetku manifestacije dostaviti gradonačelniku Grada Sarajeva izvještaj o namjenskom utrošku sredstava shodno Odluci o izvršavanju Budžeta Grada Sarajeva.

III KRATAK OPIS SPORTSKIH MANIFESTACIJA OD POSEBNOG INTERESA ZA GRAD KOJE SU SUFINANSIRANE I REALIZOVANE U 2019. GODINI

U pogledu finansiranja programa iz oblasti sporta, iz skromnih budžetskih sredstava Grada Sarajeva, u 2019. godini sufinansirano je ukupno 29 sportskih manifestacija, najvećim dijelom održanih u sklopu programa obilježavanja 6. aprila – Dana grada Sarajeva:

SPORTSKE MANIFESTACIJE

KARATE TURNIR „KARATE KUP OSLOBOĐENJA – MEMORIJAL SALKO ĆURIĆ“

Termin: 14.04.2019. godine. Mjesto održavanja: Centar Skenderija Dvorana 1. Organizator: Karate klub „Salih Salko Ćurić“. Na ovogodišnjem turniru pored domaćih takmičara učestvovali su i gosti iz Hrvatske i Crne Gore. Ukupno je učestvovalo oko 140 takmičara iz 23 kluba.

Najviše medalja je osvojio KK UNIJA TEŠANJ iz Tešnja sa ukupno 16 osvojenih bodova, ispred KK Bašaršija Sarajevo sa osvojenih 9 bodova, te KK ORKKA Tuzla koji je osvojio 5 bodova. Kod seniora u borbama prvo mjesto je osvojio Hamza Čajić iz KK Orkka, Tuzla, drugo mjesto zauzeo je Mensur Đozić iz KK Orkka, Tuzla, dok su treće mjesto osvojili Anes Čongo iz KK Champion, Sarajevo i Admir Dautović iz KK Novi Grad, Sarajevo. U seniorskoj ženskoj konkurenciji takmičenje je održano u katama. Prvo mjesto osvojila je Vlatka Kluk iz KK Sljeme, Zagreb, druga je bila Biserka Radulović iz KK Budućnost, Podgorica, dok su treće mjesto osvojile Jovana Marić i Mia Roganović obje iz KK Budućnost, Podgorica.

Za realizaciju turnira odobrena su sredstva iz Budžeta Grada Sarajeva u iznosu od 3.000,00 KM.

MEMORIJALNI KOŠARKAŠKI TURNIR „MIRZA DELIBAŠIĆ“

Termin: 06-07.09.2019. godine. Mjesto održavanja: Centar Skenderija. Organizator: Udruženje kulturno-sportski klub MAXI. Izvanredne košarkaške predstave timova učenika Budućnosti iz Podgorice, Cedevite Olimpije iz Ljubljane, Gazinatepa iz Turske i Cluja iz Rumunije, sarajevska košarkaška publika uživala je u košarci na nivou Eurolige i Eurocupa. Najbolji su bili košarkaši ljubljanske Cedevita Olimpije.

Za realizaciju košarkaškog turnira odobrena su sredstva iz Budžeta Grada Sarajeva u iznosu od 2.000,00 KM. Odobrena finansijska sredstva su utrošena za troškove smještaja ekipa.

MEĐUNARODNI MEMORIJALNI TURNIR U DIZANJU TEGOVA „ANDRIJA MALEČ“

Termin: 24.11.2019. godine. Mjesto održavanja: Sportska sala OŠ „Vladimir Nazor“. Organizator: Klub dizača tegova „Željezničar“. Na turniru su nastupili najbolji takmičari iz Turske i naše zemlje. Postignuti su zapaženi rezultati i oboreno je čak 73 bosanskohercegovačka rekorda. U konkurenciji žena u kategoriji U15 prvo mjesto osvojila je Nejlja Kalača (Bosna), u kategoriji U20 pobijedila je Amina Mašić (IsANEH), a u kategoriji U23 prva je bila Iris Pašić (Bosna). U konkurenciji muškaraca u uzrasnoj kategoriji U15 prvo mjesto osvojio je Amar Demirović (Sidro), u kategoriji U17 prvi je bio Danis Arnautović (Bosna), u kategoriji U20 pobjednik je Ferhat Turker (Turska), a u kategoriji U23 najbolji je bio Mak Numić

(Željezničar). Kod seniora prvo mjesto je osvojio Eldin Omerović (Bosna), a kod veterana Muhamed Ramić (Bosna) i Nedim Mašić (IsANEH-ZB).

Za realizaciju turnira odobrena su sredstva iz Budžeta Grada Sarajeva u iznosu od 2.000,00 KM.

MEĐUNARODNI MEMORIJALNI JUDO TURNIR „VINKO ŠAMARLIĆ“

Termin: 06.04.2019. godine. Mjesto održavanja: Sportska dvorana Novo Sarajevo. Organizator: Judo klub „Željezničar“. Na 27. Međunarodnom memorijalnom judo turniru „Vinko Šamarlić“ učestvovalo je 673 takmičara iz 53 ekipe iz Hrvatske, Srbije, Crne Gore, Slovenije, Bugarske, Makedonije, Austrije i Mađarske. Prvo mjesto ekipno osvojio je JK „Braća Lukač“ – Sarajevo, drugo mjesto JK „Akademik“ – Nikšić, a treće JK „Famos“ – Istočno Sarajevo. Najbolja mlađa poletarka: Dunja Tomić – JK „Borsa“ Mostar. Pojedinačno najbolji mlađi poletarac je Jovan Rakin – JK Lokomotiva Istočno Sarajevo. Najbolji poletarac je Irman Gušić – JK „Banja Luka“, najbolja poletarka je Marija Đurđević – JK „Akademik“ Nikšić. Najbolji pionir je Uroš Mačar – JK „Randori“- Istočno Sarajevo, BiH Pionirke – Džejla Kožak – JK „Vogošća“ – Sarajevo. Kod kadeta najbolji je bio Filip Đurđević – JK „Akademik“-Nikšić, a kod kadetkinja Maja Bjelica – JK „Famos“ Istočno Sarajevo. Najbolji takmičari turnira su Amar Hasić JK „Braća Lukač“ Sarajevo i Ajna Borančić – JK „Željezničar“ Sarajevo. Za realizaciju turnira, odobrena su sredstva iz Budžeta Grada Sarajeva u iznosu od 3.000,00 KM.

MEĐUNARODNI TURNIR U RITMIČKOJ GIMNASTICI „SUADA DILBEROVIĆ“

Termin: 05-07.04.2019. godine. Mjesto održavanja: Sportska dvorana Novo Sarajevo. Organizator: Klub ritmičke gimnastike „Bosna Gym“. Na turniru je nastupilo oko 370 takmičarki iz Mađarske, Srbije, Hrvatske, Latvije, Slovenije, Crne Gore i BiH. U juniorskoj konkurenciji prvo mjesto osvojila je Tamara Artič GD „Vindija“, drugo mjesto osvojila je Vildere Marta, Riga Latvija, a treće Esma Mujačić iz KRG „Takt“. Kod seniorki pobjedu je odnijela domaća takmičarka Sara Ažman KRG „Bosna Gym“ ispred Ajše Mujačić KRG „Takt“, te Jovane Marković iz Gimnastičke federacije Crne Gore.

Za realizaciju Međunarodnog turnira u ritmičkoj gimnastici „Suada Dilberović“ odobrena su sredstva iz Budžeta Grada Sarajeva u ukupnom iznosu od 3.000,00 KM koja su utrošena na troškove pehara i medalja, zakup dvorane za takmičenje i ishranu takmičarki.

MEMORIJALNI BOKSERSKI TURNIR „BRAĆA KADIĆ“

Termin: 27-28.09.2019. godine. Mjesto održavanja: KSC „Ramiz Salčin“. Organizator: Klub borilačkih sportova „Braća Kadić“. Pod pokroviteljstvom Grada Sarajeva u KSC „Ramiz Salčin“ održan je XVII Međunarodni memorijalni bokserski turnir „Ramiz Salčin“. Na turniru su učestvovali bokseri iz sedam zemalja. Stručni žiri je za najboljeg takmičara izabrao Alena Rahimića, a za najboljeg tehničara izabran je Shpetim Bajoku sa Kosova. Najborbeniji par su Omar Obas Dave iz Njemačke i Patriot Behrami sa Kosova. Za najmlađeg pobjednika izabran je Kršo Emran iz BK Zlatni ljiljani.

Za realizaciju bokserskog turnira odobrena su sredstva iz Budžeta Grada Sarajeva u iznosu od 3.000,00 KM.

MEĐUNARODNI MEMORIJALNI BOKSERSKI TURNIR „MUSTAFA HAJRULAHOVIĆ TALIJAN“

Termin: 21-22.09.2019. godine. Mjesto održavanja: KSC Skenderija – Dom mladih. Organizator: Bokserski klub „Zlatni ljiljani“. U Domu mladih Kulturno sportskog centra Skenderija održan je XVII Međunarodni memorijalni bokserski turnir „Mustafa Hajrulahović Talijan“. Na turniru su učestvovala reprezentacije Hrvatske, Sjeverne Makedonije, Crne Gore, Njemačke, Slovenije i Turske. Održano je 9 zanimljivih borbi. Stručni žiri je za najboljeg takmičara izabrao reprezentativca BiH Adema Fetahović, a za najboljeg tehničara izabran je Dušan Veletić iz BK Radnik Bijeljina. Najborbeniji par su Mehmed Dedović iz KBS BRAĆA KADIĆ i Tiro Bakir iz BK Mostar. Za najmlađeg pobjednika izabran je Vuk Mičić iz BK Glasinac Sokolac.

Za realizaciju bokserskog turnira odobrena su sredstva iz Budžeta Grada Sarajeva u iznosu od 3.000,00 KM.

MEĐUNARODNI MEMORIJALNI JUDO TURNIR „ALIJA MILADIN“

Termin: 28.09.2019. godine. Mjesto održavanja: Hotel Hills. Organizator: Judo klub "Bosna". Pod pokroviteljstvom Grada Sarajeva održan je Memorijalni judo turnir „Alija Miladin“. Na turniru je učestvovalo oko 400 takmičara iz 45 klubova regiona. Titulu najboljeg na turniru ponio je judo reprezentativac BiH i član Judo kluba „Bosna“ Toni Miletić.

Za realizaciju judo turnira odobrena su sredstva iz Budžeta Grada Sarajeva u iznosu od 3.000,00 KM.

WORLD KARATE GRAND PRIX „ALIJA IZETBEGOVIĆ“

Termin: 20.04.2019. godine. Mjesto održavanja: KSC Skenderija Sala 1. Organizator: Univerzitetski Karate klub „Bosna“. Na ovogodišnjem turniru nastupili su najbolji karatisti iz naše zemlje. U finalnoj borbi u muškoj konkurenciji pobijedio je Anes Čongo iz KK Ilidža, a drugo mjesto je osvojio Hamza Čajić iz Lukavca. U ženskoj konkurenciji najbolja takmičarka je bila Emina Brkić iz KK Ilijaš koja je u finalu savladala Mirnesu Bektaš iz UKK Bosna Sarajevo.

Za realizaciju turnira odobrena su sredstva iz Budžeta Grada Sarajeva u ukupnom iznosu od 4.000,00 KM.

MEĐUNARODNI TENISKI TURNIR ZA JUNIORKE I JUNIORE DO 16 GODINA „OPEN RCT BARCELONA 1899 —SARAJEVO 2019“

Termin: 20-23.09.2019. godine. Mjesto održavanja: GTA Teniska akademija Hotonj. Organizator: Teniski klub „Tenis Pro“. Turnir, na koji se ove godine prijavilo 80 teniserki i tenisera iz 14 zemalja, održan je pod pokroviteljstvom Gradske uprave Grada Sarajeva. U konkurenciji juniora prvo mjesto osvojio je drugi nosilac turnira Peter Benjamin Privara (Slovačka). U finalu je pobijedio četvrtog nosioca, hrvatskog tenisera Nou Vukadina rezultatom 6:4, 6:1.

U konkurenciji juniorki u finalnom meču sastale su se druga i treća nositeljica Sara Svetac (Hrvatska) i Nikola Bartunkova (Češka). Češka teniserka je pobijedila predajom Sare Svetac zbog povrede 7:6(6), 3:0.

Za realizaciju teniskog turnira odobrena su sredstva iz Budžeta Grada Sarajeva u iznosu od 3.000,00 KM.

MEĐUNARODNI ŠAHOVSKI TURNIR "BOSNA 2019"

Termin: 27.04.-03.05.2019. godine. Mjesto održavanja: Hotel Saray. Organizator: Šahovski klub "Bosna". Pod pokroviteljstvom Grada Sarajeva održan je 49. Međunarodni šahovski turnir „BOSNA 2019“. Na turniru je nastupilo ukupno 128 igrača, iz 12 država, od čega 9 velemajstora, 13 međunarodnih majstora i 13 FIDE majstora. Prvo mjesto zauzeo je Ulvi Sadikhov iz Azerbejdžana sa 7,0 poena, drugi je bio Denis Kadrić (BiH), također, sa 7,0 poena, a treći Borki Predojević (BiH), također, sa 7,0 poena, ali sa nešto slabijim dodatnim kriterijima.

Za realizaciju šahovskog turnira odobrena su sredstva iz Budžeta Grada Sarajeva u iznosu od 3.000,00 KM.

MEĐUNARODNI TURNIR U SJEDEOČOJ ODBOJCI "SARAJEVO OPEN 2019"

Termin: 07.-09.06.2019. godine. Mjesto održavanja: KSC „Ramiz Salčin“. Organizator: OKI „FANTOMI“. Pod pokroviteljstvom Grada Sarajeva održan je XVIII Međunarodni turnir u sjedećoj odbojci „SARAJEVO OPEN 2019“. Na turniru je učestvovalo deset ekipa iz osam država. Najuspješnija ekipa turnira je Reprezentacija Rusije koja je u finalu savladala domaćina turnira OKI Fantomi, a u borbi za treće mjesto ekipa Bayer 04 pobijedila je reprezentaciju Hrvatske.

Za realizaciju turnira odobrena su sredstva iz Budžeta Grada Sarajeva u iznosu od 3.000,00 KM.

MEĐUNARODNO SKIJAŠKO TAKMIČENJE "DJECA ZA MIR U SVIJETU"

Termin: 19.-22.02.2019. godine. Mjesto održavanja: Bjelašnica. Organizator: Sarajevski skijaški klub „SARAJEVO“. Pod pokroviteljstvom Grada Sarajeva održano je takmičenje u alpskom skijanju za djecu do 14 i do 16 godina. Na takmičenju je učestvovalo 88 takmičara iz devet zemalja. U disciplini veleslalom za djevojčice do 14 godina pobijedila je Makedonka Jana Atanasovska, a za dječake Slovenac Anžej Arčon. U disciplini veleslalom za djevojčice do 16 godina najbolja je bila Italijanka Cetrine Sinigoj, a kod dječaka također predstavnik Italije Erik Bordon. U disciplini super veleslalom za djevojčice do 14 godina pobjedu

je odnijela Slovenka Manca Hvala, a kod dječaka ponovo je najbolji bio Slovenac Anžej Arčon. U disciplini super veleslalom za djevojčice do 16 godina pobjedu je odnijela Italijanka Caterine Sinigoj, a kod dječaka je najbolji bio Makedonac Mirko Lazarevski. U disciplini slalom u kategoriji djevojčica do 14 godina slavila je Manca Hvala iz Slovenije, a kod dječaka Medina Palmieri Juan Cruz iz Argentine. U konkurenciji do 16 godina slavili su italijani Caterine Sinigoj i Erik Bordon .

Za realizaciju skijaškog takmičenja odobrena su sredstva iz Budžeta Grada Sarajeva u iznosu od 2.000,00 KM.

EVROPSKI JUDO KUP TOP RANKING

Termin: 04-05.05.2019. godine. Mjesto održavanja: KSC Ilidža. Organizator: Judo klub „NIPPON“. Na takmičenju je nastupio 231 takmičar iz 28 zemalja. Najuspješniji su bili takmičari iz Sjeverne Makedonije i Mađarske sa osvojene tri zlatne medalje, te takmičari Njemačke i Rusije sa dvije srebrene medalje. Naši takmičari su osvojili jednu srebrnu medalju i četiri bronzane. Srebrnu medalju osvojila je Aleksandra Samardžić, a bronzane Vuk Elez, Rajko Mirković, Igor Vračar i Anđela Samardžić.

Za realizaciju takmičenja odobrena su sredstva iz Budžeta Grada Sarajeva u iznosu od 2.500,00 KM.

MEĐUNARODNO FIS TAKMIČENJE U SNOWBOARDU „EUROPA KUP SARAJEVO“ Termin: 02-03.02.2019. godine. Mjesto održavanja: Bjelašnica – Štinji do. Organizator: Snowboard klub „Free Style“. Na Evropa Kupu Sarajevo 2019 nastupilo je 28 takmičara u muškoj i 16 u ženskoj konkurenciji iz Hrvatske, Slovenije, Srbije, Poljske, Njemačke, Rusije, Španije, Litvanije, Makedonije i naše zemlje. Prvo mjesto u ženskoj kategoriji u obje utrke zauzela je predstavnica Poljske Martyna Maciejewska, a dva srebra pripala su predstavnicima Slovenije Tanji Tinkari Valcl. U muškoj kategoriji u prvoj vožnji prvo mjesto pripalo je predstavniku Hrvatske Tini Stojaku, drugo reprezentativcu Njemačke Noah Victoru, a treće Iliji Baskakovu iz Rusije. U drugoj vožnji prvo mjesto pripalo je reprezentativcu Srbije Matiji Milenkoviću, drugo Tini Stojaku iz Hrvatske, dok je treće mjesto zauzeo Piotr Tokarczyk, predstavnik Poljske. Od naših takmičara najuspješnija je bila Asja Klačar koja je osvojila dvije bronzane medalje.

Za realizaciju takmičenja odobrena su sredstva iz Budžeta Grada Sarajeva u iznosu od 2.500,00 KM.

MEĐUNARODNI PLIVAČKI MITING "SARAJEVU S LJUBAVLJU 2019"

Termin: 30- 31.04.2019. godine. Mjesto održavanja: Olimpijski bazen „Otoka“ Organizator: Plivački klub "Bosna". Na ovogodišnjem mitingu „Sarajevu s ljubavlju“ nastupilo je oko 400 plivačica i plivača iz 31 kluba, koji su došli iz 9 zemalja. Najuspješnije plivačice po kategorijama bile su: Anja Crevar, apsolutna kategorija, PK Dinamo Pančevo, Milana Lukić, do 16 godina, PK 22. april Banja Luka, Helena Lalković, do 14 godina, PK 11. april Beograd, Lamija Čaušević, do 12 godina, PK Sport Time Sarajevo, Laura Milina, do 10 godina, PK Korčulanski plivački klub, Korčula. Najuspješniji plivači po kategorijama bili su: Mihajlo Čepkalo, apsolutna kategorija, PK 22. april Banja Luka, Luka Lasić, do 18 godina, PK Sport Time Sarajevo, Jovan Lekić, do 16 godina, APK 22. april Banja Luka, Danin Abdićević, do 14 godina, PK Sport Time Sarajevo, Justin Cvetkov, do 12 godina, PK Proleter Zrenjanin.

Za realizaciju plivačkog mitinga odobrena su sredstva iz Budžeta Grada Sarajeva u iznosu od 4.000,00 KM. Odobrena finansijska sredstva su u ukupnom iznosu utrošena za zakup i tehničku podršku Olimpijskog bazena Otoka. Takmičenje je otvorio gradonačelnik mr. Abdulah Skaka.

MEĐUNARODNI VATERPOLO TURNIR „SARAJEVO CHAMPIONS CHALLENGE“

Termin: 13-15.09.2019. godine. Mjesto: Olimpijski bazen Otoka. Organizator: JP „Olimpijski bazen Otoka“ i Vaterpolo savez KS. Učesnici na ovogodišnjem turniru bili su: POŠK iz Splita, Primorac iz Kotora, Vojvodina iz Novog Sada, te Vaterpolo reprezentacija Bosne i Hercegovine. Sa dvije pobjede i jednom neriješenom utakmicom najbolji su bili igrači POŠK-a. Drugo mjesto zauzeli su igrači Vojvodine, a Primorac je bio treći. Igrači naše reprezentacije dobili su pehar za Fair play.

Za realizaciju vaterpolo turnira odobrena su sredstva iz Budžeta Grada Sarajeva u iznosu od 4.000,00 KM.

MEĐUNARODNI HRVAČKI TURNIR "KUP GRADA SARAJEVA 2019"

Termin: 06.04.2019. godine. Mjesto održavanja: Olimpijska dvorana „J. A. Samaranch“. Organizator: Hrvачki klub „Bosna“. Pod pokroviteljstvom Grada Sarajeva u Olimpijskoj dvorani Zetra održan je XIII Međunarodni hrvački turnir „KUP GRADA SARAJEVA 2019“. Na turniru je učestvovalo preko 200 takmičara sa 23 ekipe iz devet država. Najuspješnija ekipa turnira je Hrvачki klub „Bosna“, dok su drugo mjesto osvojili reprezentativci Hrvatske, a treće reprezentacija Beograda. Za najuspješnijeg takmičara turnira, proglašen je Husein Gegić, takmičar HK BOSNA Sarajevo, a u ženskoj konkurenciji, najbolja je bila Veronika Glavaš iz Reprezentacije Hrvatske. Za realizaciju hrvačkog turnira odobrena su sredstva iz Budžeta Grada Sarajeva u iznosu od 4.000,00 KM. Odobrena finansijska sredstva su utrošena za zakup dvorane „Zetra“ te dio troškova smještaja učesnika.

MEĐUNARODNI KUGLAŠKI TURNIR ZA SLIJEPE „SARAJEVO 2019“

Termin: 05-06.04.2019. godine. Mjesto održavanja: Kuglana „Zetra“. Organizator: Sportsko društvo slijepih i slabovidnih KS. Povodom Dana grada Sarajeva, u kuglani „Zetra“, održan je 11. Međunarodni kuglaški turnir za slijepce „Sarajevo 2019“. Na turniru je nastupilo 89 kuglaša iz Njemačke, Hrvatske, Srbije, Češke Republike, Slovačke, Slovenije i Bosne i Hercegovine. Takmičili su se u 8 pojedinačnih kategorija, te ekipno. Najuspješnija ekipa je i ove godine SKS Zagreb, drugo mjesto zauzela je ekipa Karel Jeraj iz Ljubljane, dok je treće mjesto pripalo također slovenskoj ekipi MDSS Kranj. Od naših takmičara najuspješnija je bila Emina Zahirović iz Sarajeva koja je u kategoriji B3 osvojila prvo mjesto, dok su u kategoriji B2 Đukić Tanja i Senada Karišik iz Sarajeva osvojile drugo i treće mjesto. Za realizaciju turnira odobrena su sredstva iz Budžeta Grada Sarajeva u ukupnom iznosu od 4.000,00 KM. Odobrena finansijska sredstva su utrošena za medalje i pehare, tehničku organizaciju, sendviče i osvježanje, te dio troškova smještaja učesnika. Takmičenje je otvorila mr. Amina Deljković, pomoćnica gradonačelnika.

MEĐUNARODNI ŠESTOAPRILSKI TURNIR U STRELJAŠTVU

Termin: 05-07.04.2019. godine. Mjesto održavanja: Streljana „Zetra“. Organizator: Streljački klub „Sarajevo“. Na ovogodišnjem takmičenju nastupio je rekordan broj takmičara, te 27 ekipa iz Slovenije, Hrvatske, Crne Gore, Srbije, Mađarske i Bosne i Hercegovine. Prvog dana takmičenja na programu je bila disciplina Mix timova u kojoj nastupaju jedna žena i jedan muškarac. Najuspješniji tim bili su takmičari SD Trzin (SLO) u sastavu Suzana Lukić i Maj Kadunc koji su u finalu pobijedili ekipu SD Dalmacijacement u sastavu Urbas Amadea i Čerina Marin. Treće mjesto pripalo je mađarskom paru Bosros Fanni i Somogyi Peter. U pojedinačnoj konkurenciji kod žena u finalnom i duelu za zlatnu medalju bolja je bila Borsos Fanni iz Mađarske sa pogođenih 245,9 kruga, ispred Urbas Amadee iz Hrvatske koja je pogodila 244,2 kruga. U borbi za bronзанu medalju gađale su dvije Slovenke, a medalju je osvojila Lia Lazar ispred Suzane Lukić kojoj je pripalo četvrto mjesto. U ekipnoj konkurenciji kod seniorke najbolja je bila ekipa domaćina SK Sarajevo koja je sa pogođenih 1820,8 krugova ubjedljivo osvojila prvo mjesto. Drugo mjesto pripalo je takmičarkama SD Dalmacijacement iz Hrvatske koje su imale 1809,9, a treće SD Jezero iz Slovenije koje su imale 1809,2 kruga.

Najzbuđljivije finale bilo je kod seniora i pobjednik se nije znao do zadnjeg ispaljenog metka. Domaći takmičar Nedžad Fazlija u borbi za zlatnu medalju pogodio je 244,2 kruga i za samo 0,4 kruga izgubio od Slovenca Maj Kadunca koji je imao 244,6 krugova. U borbi za bronзанu medalju Slovenac Nejc Klopčič bio je bolji od Mađara Petera Somogyija. U ekipnom plasmanu najbolji su bili domaći takmičari SK Sarajevo sa pogođenih 1858,2 kruga te ubjedljivo odbranili titulu najbolje ekipe osvojenu prošle godine. Drugo mjesto osvojile su ekipe iz Slovenije SD Trzin koja je pogodila 1844,0 krugova, te SD Jezero sa 1826,0 krugova.

Za realizaciju turnira odobrena su sredstva iz Budžeta Grada Sarajeva u ukupnom iznosu od 4.000,00 KM.

MEĐUNARODNI KOŠARKAŠKI TURNIR

Termin: 05-07.04.2019. godine. Mjesto održavanja: Centar Skenderija. Organizator: Košarkaški klub „Koš“. Na ovogodišnjem turniru učestvovalo je 26 ekipa iz četiri zemlje, a koje su raspoređene u četiri kategorije: juniori, kadeti, pioniri i minibasket. Pored ekipa iz Bosne i Hercegovine na turniru su učestvovala ekipe iz Makedonije, Hrvatske i Crne Gore. Na turniru u juniorskoj konkurenciji pobijedila je reprezentacija

Crne Gore, drugo mjesto osvojila je reprezentacije BiH, a treće reprezentacija Kantona Sarajevo. Proglašena je i petorka turnira kod juniora: Vujisić Viktor (Crna Gora), Milovanović Marko (Sjeverna Makedonija), Ilić Vojin (Kanton Sarajevo), Pajović Feđa (Crna Gora) i Topalović Đorđe (BiH). Vujisić Viktor je MVP turnira. Kadetsko takmičenje je pripalo KK SPARS koji su u finalu pobijedili domaću ekipu KK KOŠ, dok je treće mjesto pripalo ekipi KK Igman Burch. Petorka turnira-kadeti: Gočobija Harun (KOŠ), Dimovski Borijan (MZT), Volarević Ante (Kvarner), Čikle Feđa (Igman Burch) i Vidović Valentin (Spars). Malešević Zerina (Spars) je MVP turnira.

U kategoriji pionira ekipa KK SPARS je osvojila prvo mjesto ispred KK Koš i ekipe Kastav.

Petorka turnira-pioniri: Vigo Bart (Kastav), Selimović Mak (Bosna), Jović Filip (Spars), Belmin Avdić (Koš), Dimovski Bojan (MZT). MVP turnira je Mulić Zinedin (Spars).

U kategoriji minibasket pobjednik turnira je KK Cedevita ispred ekipa KK Budućnost i KK Zadar.

Za realizaciju košarkaškog turnira odobrena su sredstva iz Budžeta Grada Sarajeva u iznosu od 7.000,00 KM. Odobrena finansijska sredstva su utrošena za troškove smještaja ekipa.

Takmičenje je otvorio gradonačelnik mr. Abdulah Skaka.

SARAJEVSKI POLUMARATON

Termin: 15.09.2019. Mjesto održavanja: Sarajevo, gradske ulice. Organizator: Udruženje „Marathon“. Na ovogodišnjem Sarajevskom polumaratonu učestvovalo je blizu 3000 trkača iz 45 zemalja. Prvi kroz cilj prošao je Kipruto Stenli iz Kenije s vremenom 1:07:11.

Na drugom mjestu je bio Ajkut Tesdemir iz Turske (1:07:57), dok je na trećem bio Ivo Balabanov iz Bugarske (1:08:00). U konkurenciji žena prva je kroz cilj prošla Olivera Jeftić iz Srbije (1:14:41), druga je bila Bojana Bijeljac iz Hrvatske (1:16:38), treća Oleseca Smobljenko iz Moldavije (1:16:42).

Za realizaciju manifestacije odobrena su sredstva iz Budžeta Grada Sarajeva u iznosu od 6.000,00 KM.

MEĐUNARODNI TURNIR U FUDBALU U-17 „IGRAJ FUDBAL ŽIVI ŽIVOT“

Termin: 13-16.06.2019. godine Mjesto održavanja: Tereni „Otoka“ i „Safet Zajko“. Organizator: Udruženje „Profesional“. Na turniru su ove godine igrali NS Mura, PFC Lokomotiv Plovdiv (Bugarska), FK Vardar, NK Lokomotiva Zagreb, FK Crvena Zvezda, MTK Budapest (Mađarska), FK Željezničar i FK Sarajevo. Turnir je osvojila ekipa iz Mađarske MTK Budapest koja je u finalu pobijedila NS Mure iz Slovenije sa 3:1. U utakmici za treće mjesto Lokomotiva Zagreb je pobijedila Crvenu Zvezdu sa 4:1. Za najboljeg igrača proglašen je Gabriel Groznica (NK Lokomotiva Zagreb), za najboljeg strijelca Akos Zuigeberg (MTK Budapest), te za najboljeg golmana Lan Ejavec (NS Mura).

Za realizaciju fudbalskog turnira odobrena su sredstva iz Budžeta Grada Sarajeva u iznosu od 2.000,00 KM.

MEĐUNARODNI SKOKOVI U VODU „BENTBAŠA“

Termin: 3.08.2019. godine Mjesto održavanja: Bentbaša. Organizator: Udruženje za promociju sporta i turizma „SporTur“. Na takmičenju koje je pratilo nekoliko stotina građana učestvovali su skakači iz Sjedinjenih Američkih Država, Danske, Slovenije, Srbije i naše zemlje. Prvo mjesto u kategoriji „Lasta“ zauzeo je Dragan Milnović iz Užica, drugo mjesto pripalo je Sanjinu Zejnilagiću iz Sarajeva, dok je treći bio Danko Dangubić iz Konjica. U high divingu prvi je bio Aleš Karničnik iz Maribora, drugo mjesto osvojio je Marko Pavlović iz Kragujevca, a treće Laura Rose iz SAD-a. U revijalnom dijelu takmičenja nastupili su i svjetski poznati skakači Rhiannan Iffland iz Australije, osvajačica zlatne medalje na ovogodišnjem svjetskom prvenstvu u Južnoj Koreji, te Meksikanac Jonathan Paredes, koji je na istom prvenstvu osvojio bronzu.

Za realizaciju manifestacije odobrena su sredstva iz Budžeta Grada Sarajeva u iznosu od 3.000,00 KM.

TURNIR U STRELJAŠTVU ZA OSOBE SA INVALIDITETOM

Termin: 31.03.2019. godine Mjesto održavanja: Streljana „Zetra“ Organizator: Streljački savez invalidnih lica FBiH. Na 17. tradicionalnom šestoaprilskom turniru u streljaštvu za invalidna lica, učestvovalo je oko 80 strijelaca sa 14 muških i 6 ženskih ekipa iz Sarajeva, Bijeljine, Kladnja, Živinica, Banovića, Tuzle, Maglaja, Zenice, Donjeg Vakufa, Sanskog Mosta i Trebinja. Prvo mjesto u gađanju vazdušnom puškom, u pojedinačnoj konkurenciji muškaraca po kategorijama invalidnosti osvojio je Šaban Fatić iz Sarajeva sa

372, Tursum Vernes iz Tuzle sa 359 krugova i Begić Mirsad iz Živinica sa 370 krugova. Kod žena prvo mjesto u svojoj kategoriji osvojila je Kadira Nukić iz Tuzle sa 333 kruga, Mirela Ramić iz Tuzle sa 319 kruga, te Alma Hodžić iz Živinica sa 357 krugova. U ekipnoj konkurenciji kod muškaraca najbolji su bili strijelci je SIK Tuzla sa 1071 krugom, a kod žena SKOSI Zenica sa 971 krugom. Za realizaciju turnira odobrena su sredstva iz Budžeta Grada Sarajeva u ukupnom iznosu od 2.000,00 KM. Odobrena finansijska sredstva su utrošena za zakup streljane „Zetra“, medalje i pehare, tehničku organizaciju, ručak i osvježenje, te troškove goriva.

SPORTSKE IGRE MLADIH

Termin: 01.05.-31.12.2019. godine. Mjesto održavanja: 38 gradova u BiH. Organizator: Udruženje za sport i rekreaciju mladih. Regionalna takmičenja u 2019. godini su održana u 38 gradova — Konjic, Široki Brijeg, Jablanica, Zvornik, Tomislavgrad, Vitez, Tešanj, Orašje, Gradačac, Brčko, Goražde, Kakanj, Mostar, Sarajevo, Travnik, Zenica, Srebrenik, Tuzla, Srebrenica, Bratunac, Šamac, Doboj, Bugojno, Visoko, Bihać, Maglaj, Bijeljina, Jajce, Gračanica, Banovići, Zavidovići, Gornji Vakuf-Uskoplje, Fojnica, Stolac, Čapljina, Olovo, Lukavac i Zepče, gdje je učešće uzelo 50.136 dječaka i djevojčica. Finalno takmičenje 9. Sportskih igara mladih je održano u Sarajevu u periodu od 3.08. do 7.8.2019. godine. Na finalnom takmičenju Igaru učestvovalo je 1.950 finalista koji su u pratnji voditelja /trenera/ stigli u Sarajevo. Svake godine, Sportske Igre mladih, biraju mladog ambasadora, to je tradicija nastavljena i ove godine. Nova mlada Ambasadorica Igaru je Milica Flokić, iz Brčkog koja ima zadatak biti uzor mladim sportskim generacijama SIM-ovaca te promovisati košarku kao ženski sport.

Za realizaciju igara odobrena su sredstva iz Budžeta Grada Sarajeva u ukupnom iznosu od 5.000,00 KM.

MEĐUNARODNA GRADSKA ATLETSKA TRKA „VIVICCITA“

Termin: 31.03.2019. godine. Mjesto održavanja: Sarajevo, gradske ulice. Organizator: Sportski savez Kantona Sarajevo. Učešće u trci, kao i prethodnih godina uzeli su učenici osnovnih i srednjih škola, studenti, predstavnici međunarodnih institucija, građani Sarajeva, takmičari iz drugih gradova Bosne i Hercegovine i atletičari iz Srbije, Hrvatske i Crne Gore. U konkurenciji žena prvo mjesto je osvojila Alma Hrnjić, drugo Amela Trožić, a treće Belma Baralija. Kod muškaraca prvi je bio Osman Junuzović, drugi je bio Belmin Mrkanović, a treći Nikola Pejčić.

Za realizaciju gradske trke odobrena su sredstva iz Budžeta Grada Sarajeva u ukupnom iznosu od 1.000,00 KM.

SPORTSKE IGRE OAZE Termin: 03.-06.10.2019. godine. Mjesto održavanja: Sarajevo. Organizator: Udruženje OAZA. Sportske igre OAZE je takmičenje međunarodnog karaktera koje je okupilo oko 400 takmičara koji su se na sportskim terenima borili za medalje u osam sportova: nogomet, košarka, plivanje, atletika, stolni tenis, boćanje, kuglanje i MATP —program za osobe sa višestrukim smetnjama. Prisutni su bili učesnici iz Bosne i Hercegovine, Hrvatske, Srbije, Sjeverne Makedonije, Slovenije. Discipline iz atletike su održana u Centru za edukaciju, sport i rekreaciju „Safet Zajko“ te su imala najviše prijavljenih takmičara, čak 102. Takmičenje u boćanju održano je 04.10.2019. godine u dvorani „Ramiz Salčin“ i okupilo je 46 takmičara iz 12 ekipa koji su bili raspoređeni u 4 grupe. Nakon velikog broja međusobnih mečeva najuspješniji su osvojili zaslužene medalje. U dvorani „Ramiz Salčin“ održan je i program koji je namijenjen osobama sa višestrukim smetnjama. Na takmičenju je učestvovalo 23 takmičara, koji su imali zadatak da savladaju veoma zanimljiv poligon prepreka koji je prilagođen njihovim mogućnostima i sposobnostima. Za sve takmičare u ovom programu obezbijeđene su zlatne medalje. Takmičenje u kuglanju održano je u kuglani Hotela Radon Plaza 05.10.2019. godine sa početkom u 10:00 sati. Na takmičenju u kuglanju je učestvovalo 16 ekipa koje su bile podijeljene u 4 grupe. U grupama se igralo po sistemu „svako sa svakim“. Takmičenje u nogometu održano je 06.10.2019. godine u dvorani „Vistafon“ na kojem je nastupilo 9 ekipa koje su raspoređene u dvije grupe. Grupe su napravljene prema mogućnostima i sposobnostima, a ekipe su se borile za medalje unutar svojih homogenih grupa. Najboljim ekipama dodijeljene su medalje, pehari i druge brojne nagrade. Takmičenje u stolnom tenisu održano je 06.10.2019. godine u stolnoteniskoj dvorani KSC Skenderija u 10:00 sati. Na takmičenju je učestvovalo 65 takmičara, koji su bili raspoređeni u 10 grupa. Unutar svojih homogenih grupa takmičari su se borili za medalje.

Za realizaciju igara odobrena su sredstva iz Budžeta Grada Sarajeva u ukupnom iznosu od 1.000,00 KM.

IV FINANSIRANJE OD STRANE GRADA SARAJEVA U 2019. GODINI

U segmentu podrške sportskim manifestacijama od posebnog interesa za Grad, kao i obilježavanju 6. aprila Dana grada Sarajeva, a nakon provedene procedure, u 2019. godini sufinansirani su sljedeći projekti:

	Manifestacija	Organizator	Iznos
1	Memorijalni karate turnir „Kup oslobođenja – Salih Salko Ćurić“	Karate klub „Salih Salko Ćurić“	3,000.00
2	Međunarodni memorijalni košarkaški turnir „Mirza Delibašić“	Udruženje kulturno-sportski klub „Maxi“	2,000.00
3	Međunarodni memorijalni turnir u dizanju tegova "Andrija Maleč"	KDT „Željezničar“	2,000.00
4	Međunarodni memorijalni judo turnir „Vinko Šamarlić“	Judo klub „Željezničar“	3,000.00
5	Međunarodni Šestoaprilski turnir u fudbalu U-15 „Josip Katalinski Škija”	FS/NS BiH	X
6	Međunarodni turnir u ritmičkoj gimnastici „Suada Dilberović“	KRG „Bosna Gym“	3,000.00
7	Međunarodni košarkaški turnir „Davorin Popović Dačo“	Košarkaški klub „Željezničar“	5,000.00
8	Memorijalni bokserki turnir „Braća Kadić“	KBS „Braća Kadić“	3,000.00
9	Međunarodni memorijalni bokserski turnir „Mustafa Hajrulahović Talijan“	Bokserski klub „Zlatni ljljani“	3,000.00
10	Međunarodni memorijalni judo turnir „Alija Miladin“	Judo klub „Bosna“	3,000.00
11	Međunarodni karate turnir "Karate World Grand Prix" Alija Izetbegović	Karate klub „Bosna“	4,000.00
12	Međunarodni teniski turnir za juniore-ke do 16 godina "Open RCT Barcelona 1899-Sarajevo"	Teniski klub „TennisPro“	3,000.00
13	Međunarodni velemajstorski šahovski super turnir „Bosna“ Sarajevo	Šahovski klub „Bosna“	3,000.00
14	Međunarodni turnir u sjedećoj odbojci „SARAJEVO OPEN“	OKI „Fantomi“	3,000.00
15	Međunarodno skijaško takmičenje FIS Kup „Djeca za mir u svijetu“	Sarajevski skijaški klub „Sarajevo“	2,000.00
16	Međunarodni turnir u hokeju na ledu „Sarajevo kids“	Hokejaški klub „Bosna“	X
17	Evropski judo kup Top ranking	Judo klub „Nippon“	2,500.00
18	Međunarodno FIS takmičenje u snowboardu „Europa KUP Sarajevo“	Snowboard klub „Freestyle“	2,500.00
19	Međunarodni plivački miting: „Sarajevu s ljubavlju“	Plivački klub „Bosna“	4,000.00
20	Međunarodni vaterpolo turnir „Sarajevo Champions Challenge"	Vaterpolo savez KS	4,000.00

21	Šestoaprilski turnir u hrvanju „Kup grada Sarajeva”	Hrvački klub „Bosna“	4,000.00
22	Međunarodni Šestoaprilski turnir u kuglanju za slijepce i slabovidne osobe	Sportsko društvo slijepih i slabovidnih KS	4,000.00
23	Međunarodni Šestoaprilski turnir u streljaštvu	Streljački klub „Sarajevo“	4,000.00
24	Međunarodni Šestoaprilski turnir u košarci	Košarkaški klub „Koš“ Sejo Bukva	7,000.00
25	Sarajevski polumaraton	Udruženje "Marathon"	6,000.00
26	Međunarodni fudbalski turnir U-17 „Igraj fudbal živi život“	Udruženje „Profesional“	2,000.00
27	Međunarodni skokovi u vodu „Bentbaša“	Udruženje za razvoj turizma i sporta „SporTur“	3,000.00
28	Šestoaprilski turnir u streljaštvu za invalide	Streljački savez invalidnih lica F BiH	2,000.00
29	Međunarodni plivački miting „Mladi za mlade“	Udruženje „Mladi za mlade“	X
30	Sportske igre mladih	Udruženje za sport i rekreaciju mladih	5,000.00
31	Međunarodna gradska trka Viviccita	Sportski savez Kantona Sarajevo	1,000.00
32	Sportske igre Oaze	Udruženje za podršku osobama sa intelektualnim teškoćama na području Kantona Sarajevo "Oaza"	1,000.00

U 2019. godini za primjenu Odluke o finansiranju sportskih manifestacija od interesa za Grad bio je predviđen iznos od 100.000,00 KM.

Organizatori gore navedenih manifestacija su u 2019. godini dostavili finansijske i narativne izvještaje sa informacijama o načinu utroška dodijeljenih finansijskih sredstava, kao i o posjećenosti i rezultatima sa takmičenja. Dostavljene informacije su najbolji pokazatelji da su manifestacije koje sufinansira Grad Sarajevo vrhunske kvalitete, te da okupljaju mnogobrojne sportiste iz BiH i Evrope te sve veći broj posjetilaca.

Organizatori sportskih manifestacija Međunarodni Šestoaprilski turnir u fudbalu U-15 „Josip Katalinski Škija“ i Međunarodni turnir u hokeju na ledu „Sarajevo Kids“ nisu dostavili zahtjev za sufinansiranje manifestacije.

Organizator manifestacije Međunarodni plivački miting „Mladi za mlade“ je obavijestio Gradsku službu za obrazovanje, kulturu, sport i mlade da ubuduće neće organizovati plivački miting, te nisu ni dostavili zahtjev za sufinansiranje manifestacije.

Organizator manifestacije Memorijalni košarkaški turnir „Davorin Popović – Dačo“ nije dostavio narativni i finansijski izvještaj o održanoj manifestaciji. To su bili dužni i obavezali se po članu 5. Ugovora o odobravanju novčanih sredstava da će, u roku od 15 dana nakon potpisivanja Ugovora ili po završetku manifestacije, dostaviti izvještaj o namjenskom utrošku sredstava.

V ZAKLJUČCI

Grad Sarajevo je u 2019. godini provodeći Odluku o utvrđivanju i načinu sufinansiranja sportskih manifestacija od posebnog interesa za Grad, prvenstveno činio napore da uravnoteženo, a u skladu sa planiranim sredstvima, podrži sve sportske manifestacije.

Provodeći Odluku o utvrđivanju i načinu sufinansiranja sportskih manifestacija od posebnog interesa za Grad uspjeli smo sačuvati kontinuitet održavanja određenog broja programskih sadržaja u okviru navedenih manifestacija, posebno onih koje se organiziraju u povodu 6. aprila – Dana grada Sarajeva.

Grad Sarajevo provodeći Odluku o sportskim manifestacijama omogućuje da veliki broj građana našeg grada, a posebno djece i mladih u toku cijele godine budu neposredni sudionici različitih međunarodnih sportskih sadržaja koji iz godine u godinu dobijaju na masovnosti, a posebno kvaliteti. Grad Sarajevo, kao olimpijski i sportski grad, će i ubuduće ulagati napore da sufinansira i podržava razne sportske sadržaje kako bi se na taj način animirali građani, posebno djeca i mladi, da prate sadržaje ovih sportskih manifestacija, te da se i sami uključe u rad sportskih udruženja.